

Lindås kommune
Kvernhusmyrene 20
5914 ISDALSTØ

Dato: 27.04.2017
Vår ref.: 2016/4597-9
Saksbehandlar: monsera
Dykkar ref.: 16/828 – 17/9331

Varsel om arkeologisk registrering - reguleringsplan for Risøy hyttefelt - gnr 81 bnr 10 m.fl - Lindås kommune

Viser til offentlig ettersyn av reguleringsplan for Risøy hyttefelt, gnr. 81, bnr. 10, 11 og 49 mfl. i Lindås kommune, og vårt brev datert 20.05.2016 med varsel om kulturhistorisk synfaring. Hordaland fylkeskommune har vurdert saka som regional styresmakt for kulturminnevern.

I samband med oppstart av reguleringsplanarbeid for Risøy hyttefelt varsla Hordaland fylkeskommune ei kulturhistorisk synfaring. Synfaringa vart gjort 18.04.2017. Då delar av planområdet har potensial for funn frå steinalder, finn vi det naudsynt med ei arkeologisk registrering for å avgjere om planen kjem i konflikt med hittil ikkje registrerte kulturminne, jf. § 9 i kulturminnelova.

Undersøkingsplikta etter § 9 i kulturminnelova må vere oppfylt før planen kan godkjennast. Hordaland fylkeskommune har ein lovfesta tidsfrist på inntil 3 + 1 månader etter at planen er lagt ut til offentlig høyring for å kome med kulturminnefagleg fråsegn, jf. § 9 i kulturminnelova. Reguleringsplanen vart lagt ut til offentlig ettersyn 05.04.2017, og ny frist for kulturminnefagleg fråsegn vil verte 25.07.2017. I medhald av kulturminnelova §§ 9 og 10, må kostnadene ved registreringa betalast av tiltakshavar. Vi gjer merksam på at Hordaland fylkeskommune kan ikkje gje endeleg fråsegn i saka før resultata frå den arkeologiske registreringa er klar.

Arbeidsomfanget er rekna til tre dagar i felt for to arkeologar, samt førarbeid, etterarbeid og skrivning av rapport. Registreringa vil verte utført ved graving av prøvestikk med spade. Prøvestikka er om lag 40 x 40 cm store og vert lagt igjen når arbeidet er utført.

Kostnadsoverslag er lagt ved. Vi ber om ei skriftleg godkjenning av kostnadsoverslaget med opplysningar om organisasjonsnummer, ressursnummer, samt signatur til den som er ansvarleg betalar. Når kostnadsoverslaget er godkjend vil vi ta kontakt for å få arbeidet utført så raskt som mogeleg. Vi gjer merksam på at tiltakshavar vert berre fakturert for medgått tid.

David J. Aasen Sandved
kst. fylkeskonservator

Monika Cecylia Serafinska
spesialrådgjevar

Brevet er godkjent elektronisk og har derfor inga underskrift.

Vedlegg:

1. Kostnadsoverslag for arkeologisk registrering - Risøy hyttefelt - Lindås kommune